

46. stjórnarfundur haldinn á Höfn í Hornafirði þann 27. apríl 2011

Mætt: Kristveig Sigurðardóttir, formaður, Rósa Björk Halldórsdóttir, varaformaður, Böðvar Pétursson, Hjalti Þór Vignisson, Ruth Magnúsdóttir, Ingólfur Ásgeir Jóhannesson og Magnús Hallgrímsson.

Elín Heiða Valsdóttir var í síma.

Einnig: Þórður H. Ólafsson, framkvæmdastjóri.

Hjalti ritar fundargerð.

Kristveig bauð fundarmenn velkomna. Gengið til dagskrár kl. 9:30.

1. Samþykkt dagskrár

Kristveig óskaði eftir breytingum á umræðuefni við bæjarstjórn Hornafjarðar, að ræða almennt um stækkun þjóðgarðs á Suðursvæði en ekki Lónsöræfi eingöngu.

Samþykkt.

2. Samþykki fundargerða

2.1. Samþykki fundargerðar frá 30. mars 2011

- Samþykkt og undirrituð án efnislegra athugasemda

2.2. Leiðrétting fundargerðar frá 30. apríl 2010

Að tillögu Magnúsar Hallgrímssonar er eftirfarandi tekið til umræðu:

Magnús Hallgrímsson hefur vakið athygli á því að í fundargerð stjórnar þann 30. apríl 2010 sé ekki rétt farið með.

Þar komi fram að Samút hafi samþykkt einróma að vegurinn um Vonarskarð verði gönguland og er það bókað á eftirfarandi hátt:

"Í umræðunni kom fram að Samút hefur samþykkt einróma að vegurinn verði alveg lokaður og að Vonarskarð verði gönguland. Þó eru enn skiptar skoðanir innan vébanda 4x4. Magnús lagði áherslu á að hagur garðsins væri hafður að leiðarljósi í þessu sambandi og tók Þórunn undir það."

Magnús Hallgrímsson hefur sýnt fram á að sú fullyrðing sem þarna kemur fram um að Samút hafi samþykkt einróma að vegurinn um Vonarskarð verði gönguland, sé á misskilningi byggð. Hið rétta sé að Samút hafi ekki samþykkt fyrir sína hönd, hvernig aðgengi að Vonarskarði verði háttáð, sbr. bréf frá Skúla H. Skúlasyni, formanni Samút, sem sent var Magnúsi Hallgrímssyni og

frankvæmdastjóra þjóðgarðsins, og svo áframsent formanni stjórnar hans að kvöldi dags 29. apríl 2010.

Því leggur Magnús Hallgrímsson til að stjórn árétti þetta vegna umræddrar bókonar.

Eftirfarandi er því samþykkt af stjórn:

Stjórn Vatnajökulsþjóðgarðs vísar til eftirfarandi bókonar í fundargerð stjórnar þann 30. apríl 2010:

„Í umræðunni kom fram að Samút hefur samþykkt einróma að vegurinn verði alveg lokaður og að Vonarskarð verði gönguland. Þó eru enn skiptar skoðanir innan vébanda 4x4. Magnús lagði áherslu á að hagur garðsins væri hafður að leiðarljósi í þessu sambandi og tók Þórunn undir það.“

Athygli stjórnar hefur verið vakin á því að sú fullyrðing sem þarna kemur fram um að Samút hafi samþykkt einróma að vegurinn um Vonarskarð verði gönguland, sé á misskilningi byggð. Í tillögu Jökklarannsóknarfélagsins til stjórnar Vatnajökulsþjóðgarðs dags. 12. apríl 2010 sé ekki fjallað um aðgengi um Vonarskarð. Þessa tillögu hafi fundur Samút samþykkt og gert að sinni, sbr. bréf Skúla H. Skúlasonar f.h. Samút þar um. Í þessu samhengi bendir stjórn á efnislega umræðu um Vonarskarð á fundi stjórnar þann 4. maí 2010.

Stjórn fellst því á að hið rétta verði áréttað vegna fundargerðar stjórnar frá 30. apríl 2010, þar sem umrætt atriði varð ekki tilefni til athugasemda hjá stjórnarmönnum við frágang fundargerðarinnar á sínum tíma.

3. Samráð um samgöngur

Kristveig fór yfir vinnu á milli funda. Gerði grein fyrir að kynningarfundum um samráðsferlið væri lokið og framundan væri stór fundur með hagsmunaaðilum og í kjölfarið taki starfshópur undir verkstjórn Þrastar Olaf Sigurjónssonar til starfa. Kristveig sagði að stjórn Vatnajökulsþjóðgarðs þyrfti á þessum fundi að taka ákvörðun um samsetningu þessa starfshóps. Tillaga lægi fyrir um að hópinn skipuðu níu fulltrúar, fulltrúi þjóðgarðs, fulltrúi vélknúinna farartækja, fulltrúi göngu- og hjóltreiddamanna, fulltrúi hestamanna, fulltrúi ferðapjónustunnar, fulltrúi Náttúrufræðistofnunar, fulltrúi umhverfisverndarsamtaka, fulltrúi Samút og fulltrúi sveitarfélaga. Umræðan um tillöguna sneri fyrst og fremst að fjölda fulltrúa. Mikilvægt væri að finna jafnvægi á milli skilvirkni hópsins og að tryggja sem flestum hagsmunaaðilum aðild að hópnum.

Ingólfur lagði áherslu á að allar breytingar sem gerðar yrðu á Stjórnunar- og verndaráætlun yrðu í gegnum svæðisráð og síðan stjórn. Slíkt væri í samræmi við lög.

Kristveig sagði að nokkur atriði væru etv þannig vaxin að það kallaði á breytingar á reglugerð. Ingólfur taldi jafnframt mikilvægt að ef í reglugerð væri verið að gera breytingar sem vörðuðu einstök svæði sérstaklega að samráð og samvinna væri viðhaft við svæðisráð og sveitarstjórnir. Ruth tók undir orð Ingólfs.

Umræða vaknaði um kynjaskiptingu í hópnum og búsetu fulltrúanna. Kom fram að gætt verði að þessum hlutum.

Tillagan samþykkt.

Alta falið að óska eftir tilnefningum frá fulltrúum hagsmunaaðila, 2-3 frá hverjum hópi sem síðan yrði valið úr á endanum.

Stjórn leggur til að hálendisfulltrúi norðursvæðis verði fulltrúi stjórnar í hópnum. Komið hefur fram tillaga um að Eydís Indriðadóttir, oddviti í Ásahreppi, verði fulltrúi sveitarfélaganna og vísar stjórn þeirri tillögu til staðfestingar sveitarfélaganna.

Stjórn óskar eftir yfirliti um staðhæfingar í umræðu um Stjórnunar- og verndaráætlun sem ekki eigi við rök að styðjast.

4. Þjóðgarðsvörður Suðursvæðis kynnrir starfsemi og verkefni svæðisins

Regína Hreinsdóttir mætti á fundinn kl.12:00 og kynnti helstu áherslur á Suðursvæði og verkefni framundan.

5. Fundur með bæjarstjórn Hornafjarðar

Reynir Arnarson, Ásgerður Gylfadóttir, Kristján Guðnason, Guðrún Ása Jóhannsdóttir og Valdemar Einarsson mættu á fundinn undir þessum lið.

Eftirfarandi mál voru rædd

- Gestastofa þjóðgarðsins á Höfn
- Stækkun þjóðgarðs á Suðursvæði
- Staðsetning miðlægrar þjónustu þjóðgarðsins

Regína vék af fundi kl. 13:20.

6. Stefnumörkun á innri starfsemi

Kristveig sagði að tvennt lægi fyrir fundinum. Annars vegar hvaða störf þurfi að vera í garðinum og hvar þau störf eigi að vera og hins vegar horfa til skemmri tíma um ráðningar á þessu ári.

Þórður gerði grein fyrir fundi starfsmanna um gerð tillögu í þessum efnun.

Mikil umræða skapaðist um málið.

Stjórn er sammála um að ákvörðun frá því í janúar standi með þeim breytingum að auglýst verði eftir starf fjármála og starfsmannamála í 50% stöðu á Höfn.

Stjórn er sammála um að halda áfram að vinna að framtíðarútfærslu á miðlægri starfsemi garðsins með starfsmönnum. Lögð áherslu á að tillögur verði lagðar fram fyrir næsta fund stjórnar.

7. Ný svæði inn í þjóðgarðinn

Ruth gerði grein fyrir umræðu um stækkun þjóðgarðs á Austursvæði. Þá var vísað til umræðu um stækkun á Suðursvæði sem fram fór á fundi með bæjarstjórn í hádeginu s.s um Breiðarmerkursand að vestan, Lónsöræfi, Sandfell og fleiri svæði. Þá ræddi Þórður um að jörðin Ásbyrgi færi inn í þjóðgarðinn.

8. Framkvæmdamál 2010

Þórður gerði grein fyrir viðræðum um uppgjör við Framkvæmdasýslu ríkisins er varða áætlanir, umsýslu og eftirlit með byggingu gestastofu á Skriðuklausturi.

9. Önnur mál

- Vinir Vatnajökuls/Vatnajökulspjóðgarður

Kristveig gerði grein fyrir fundi hennar, Rósu og Þórðar með Kristbjörgu framkvæmdastjóra Vina Vatnajökulspjóðgarðs og Bjarna Daníelssyni varaformanni stjórnar. Sagði Kristveig að fundurinn hafi verið jákvæður. Á fundinum voru rædd hugsanleg samstarfsverkefni ársins í ár

og í framtíðinni. Hugmynd hafi komið fram að halda árlegan fund stjórnar Vatnajökulspjóðgarðs og Vina Vatnajökuls þar sem farið verði yfir verkefni og framkvæmdir komandi starfsárs árs. Í framhaldandi væri hægt að útfæra hugmyndirnar í sameiningu þannig að markmið beggja aðila séu höfð að leiðarljósi.

- Kortatækni til gjaldtöku

Kristveig ræddi um gistináttasjóðinn sem verið er að setja á laggirnar og fylgjast verði með hversu mikið af því sem innheimtist í hann skili sér til garðsins. Sagði að mikilvægt væri að ræða um gjaldtöku út frá öllum hliðum.

Rósa kynnti ákveðna leið um að innheimta gjöld fyrir komu í garðinn sem óskipt myndu renna til uppbyggingar í garðinum.

- Nokkur rekstrarmál

Þórður gerði grein fyrir viðræðum við Gunnlaug Ólafsson um kaup á skála í hans eigu í Lónsöræfum. Gerði grein fyrir viðræðum við ferðafélög. Vísaði jafnframt í samtöl við þjóðgarðsvörð sem taldi mikilvægt að hafa sér skála fyrir landvörð þjóðgarðsins. Stjórn felur framkvæmdastjóra umboð til að ganga til samninga við Gunnlaug um kaup á skála hans í Lónsöræfum.

Þórður gerði grein fyrir húsnæðismálum þjóðgarðsvarðar á Vestursvæði.

- Önnur mál

Þórður gerði grein fyrir fundi með vegamálastjóra um veghald innan þjóðgarðsins.

10. Næsti stjórnarfundur

- Næsti fundur verður á austursvæði þann 1. júní n.k.

Fundargerð lesin upp og samþykkt.

Fundi slitið klukkan 17:00